

ÅLESUND KOMMUNE
Postboks 1521
6025 ÅLESUND

Vår dato: 08.01.2025

Vår ref.: 201405411-40 Oppgi ved kontakt

Dykkar ref.:

Løyve til regulering og uttak av vatn frå Brusdalsvatnet, Ålesund kommune i Møre og Romsdal

Vi viser til søknaden dykkar datert 20.01.2022.

NVE gir løyve til regulering og uttak av vatn frå Brusdalsvatnet til drikkevassforsyning. Løyvet med vilkår er gitt i medhald av § 8 i vassressurslova og er lagt ved dette brevet saman med ei grunningjeving for vedtaket (Bakgrunn for vedtak). Her finn du ei nærare beskriving av eventuelle krav og vilkår som er knytt til løyvet.

Løyvet omfattar ikkje ekspropriasjon av rettar og eigedom. Tiltakshavar har sjølv ansvar for å avklare dei privatrettslege forhold til eventuelle andre rettshavarar i området.

Før de utarbeider tekniske planar for dammen, må de søke og ha fått vedtak om konsekvensklasse. Konsekvensklassen er avgjerande for sikkerheitskrava som vert stilt til planlegging, bygging og drift. Tekniske planar og forslag om konsekvensklasse for dammen vert behandla av seksjon for damsikkerheit i NVE.

Før anleggsarbeidet startar må de også ha fått godkjent detaljplan for miljø. Denne vert behandla av seksjon for miljøtilsyn i NVE. Vi minner også om at de må sørge for at planane er i samsvar med kommunal reguleringsplan og/eller arealplan.

Du kan finne nyttig informasjon i rettleiarane våre:

- *Rettleiar til forskrift om internkontroll etter vassdragslovgjevinga (4/2018)*
- *Digital veileder: «[Detaljplan for vassdragstiltak](#)»*

Desse rettleiarane og meir informasjon finn du på www.nve.no/energi/tilsyn/miljoetilsyn-vassdragsanlegg

Klagerett

Sjå vedlegg om rett til å klage.



Med helsing

Gry Berg
seksjonssjef

Bård Ottesen
seniorrådgjevar

Dokumentet vert sendt utan underskrift. Det er godkjent i etter interne rutinar

Mottakarliste:

ÅLESUND KOMMUNE

Kopimottakarliste:

STATSFORVALTAREN I MØRE OG ROMSDAL

Møre og Romsdal fylkeskommune

Mattilsynet

Norges Miljøvernforbund - Ålesund

BRUSDALSVASSDRAGETS GRUNNEIERLAG



Orientering om rett til å klage

Frist for å klage	Fristen for å klage på vedtaket er 3 veker frå den dagen vedtaket kom fram til deg. Dersom vedtaket ikkje har kome fram til deg, startar fristen å gå frå den dagen du fekk eller burde ha fått kjennskap til vedtaket. Det er tilstrekkeleg at du postlegg klagen før fristen går ut. Klagen kan ikkje handsamast dersom det har gått meir enn 1 år sidan NVE fatta vedtaket.
Du kan få grunngeving for vedtaket	Dersom du har fått eit vedtak utan grunngeving, kan du be NVE om å få ei grunngeving. Du må be om grunngevinga før klagefristen går ut.
Kva skal med i klagen?	Klagen bør vere skriftleg. I klagen må du: <ul style="list-style-type: none">• Skrive kva for vedtak du klagar på.• Skrive kva for eit resultat du ønsker.• Opplyse om du klagar innanfor fristen.• Underteikne klagen. Dersom du brukar ein fullmektig, kan fullmektigen underteikne klagen. I tillegg bør du grunnkje klagen. Dette betyr at du bør forklare kvifor du meiner vedtaket er feil.
Du kan få sjå dokumenta i saka	Du har rett til å sjå dokumenta i saka, med mindre dokumenta er unnateke offentlegheit. Du kan ta kontakt med NVE for å få innsyn i saka.
Vilkår for å gå til domstolane	Dersom du meiner vedtaket er ugyldig, kan du gå til søksmål. Du kan berre gå til søksmål dersom du har klagt på vedtaket til NVE, og klagen er avgjort av Energidepartementet (ED) som overordna forvaltingsmyndigheit. Du kan likevel gå til søksmål dersom det har gått 6 månader sidan du sende klagen, og det ikkje skuldast forsøming frå di side at klagen ikkje er avgjort.
Sakskostnader	Dersom NVE eller ED endrar vedtaket til din fordel, kan du søke om å få dekkja vesentlege og nødvendige kostnader. Du må søke om dette innan 3 veker etter at klagevedtaket kom fram til deg.
Kven kan klage på vedtaket?	Dersom du er part i saka, kan du klage på vedtaket. Du kan også klage på vedtaket dersom du har rettsleg klageinteresse i saka.
Kvar skal du sende klagen?	Du må adressere klagen til ED, men sende han til NVE. E-postadressa til NVE er: nve@nve.no . NVE vurderer om vedtaket skal endrast. Dersom NVE ikkje endrar vedtaket vil vi sende klagen til ED.

Denne forklaringa bygger på forvaltningslova sine reglar i §§ 11, 18, 19, 24, 27 b, 28, 29, 31, 32 og 36.